

40

B. Útfluttar vörur:

11. febr. 1. flokkur. Gjald 60 aurar af hverjum 100 kg:
Ull, ullarvörur, hert skinn, sundmagi.
2. flokkur. Gjald 60 aurar af hverjum 100 kg:
Síldarmjöl, fiskmjöl, lýsi.
3. flokkur. Gjald 30 aurar af hverjum 100 kg:
Aðrar vörur, sem reiknast eftir þyngd.
4. flokkur. Gjald 75 aurar af hverri tunnu:
Krydduð, sykursöltuð eða flött síld.
5. flokkur. Gjald 45 aurar af hverri tunnu:
Kjöt.
6. flokkur. Gjald 30 aurar af hverri tunnu:
Saltsíld.
7. flokkur. Gjald 6 aurar af hverju teningsfeti:
Rjúpur og aðrar vörur, sem reiknast eftir rúmmáli.
8. flokkur. Gjald 150 aurar af hverjum grip:
Hestar, nautgripir.
9. flokkur. Gjald 30 aurar af hverri kind:
Sauðfé.

Lægsta gjald í öllum flokkum aðfluttra og útfluttra vara skal þó aldrei vera lægra en 2 kr. Aldrei skal tekið tvisvar gjald af sömu vöru. Hafnarnefnd er heimilt að undanþiggja vörugjaldi innlendar afurðir, sem fluttar eru að eða frá bænum í smærri stíl.

Reglugerð þessi staðfestist hér með samkvæmt lögum nr. 29 23. apríl 1946, um hafnargerðir og landingarbætur til að öðlast þegar gildi og birtist til eftirbreytni öllum þeim, sem hlut eiga að máli.

Samgöngumálaráðuneytið, 11. febrúar 1952.

Ólafur Thors.

Brynjólfr Ingólfsson.

- 41 **Staðfesting handhafa forsetavaldsins á skipulagsskrá fyrir „Minningargjafasjóð**
13. febr. **Óháða-Fríkirkjusafnaðarins í Reykjavík**“, útgefin á venjulegan hátt að mandatum af dómsmálaráðherra 13. febrúar 1952.
Skipulagsskráin er þannig:

SKIPULAGSSKRÁ

fyrir **Minningargjafasjóð Óháða-Fríkirkjusafnaðarins í Reykjavík.**

1. gr.

Sjóðurinn heitir **Minningargjafasjóður Óháða-Fríkirkjusafnaðarins**. Hann er stofnaður með 1000 krónum af **Baldvin Einarssyni** aktygjasmið, til minningar um konu hans, **Kristine Karoline Einarsson**, sem var fædd **Heggem** í **Molde** í **Noregi** 21. nóvember 1883, dáið 15. apríl 1947 í **Reykjavík**.

2. gr.

Sjóðurinn er eign **Óháða-Fríkirkjusafnaðarins** í **Reykjavík** og er styrktarsjóður væntanlegrar safnaðarkirkju.

3. gr.

41

Í sjóðinn renna fyrst og fremst gjafir til minningar um látna menn og konur, auk annarra gjafa og áheita og annars slíks. 13. febr.

4. gr.

Haldin skal minningargjafabók, er varðveitast skal hjá presti safnaðarins, unz reist hefur verið safnaðarkirkja, en síðar í safnaðarkirkjunni sjálfri. Bók þessi sé með tölusettum blöðum. Hverjum einstaklingi, sem gjöf er gefin til minningar um, sé ætlað eitt blað í bókinni og á það sé fest nafn hans og nokkur helztu æviatriði, ásamt ljósmynd, ef hún er fáanleg. Enn fremur geymist á blaðinu nöfn þeirra, sem gjafir gefa til minningar um viðkomandi einstakling. Aftast á bókinni sé skrá yfir nöfn þeirra, sem gjafir eru gefnar til minningar um, og sé sú skrá færð jafnóðum, ásamt tilvisun til minningarblaðs hvers einstaks í bókinni, svo fyrirhafnarlaust sé að finna það þegar óskað er, eða á þarf að halda.

5. gr.

Stofnfé sjóðsins, svo og það fé sem honum áskotnast í framtíðinni, varðveitist í bankabók á meðan það er ekki notað. Markmið sjóðsins er að efla byggingu safnaðarkirkju og kosta viðhald hennar og standa straum af kaupum kirkjulegra muna þegar hún er komin upp. Komi hann ætíð sem fyrst að sem beztum notum, en á hitt sé ekki litið sem takmark í sjálfu sér, að sem mest fé sé í honum á hverjum tíma. Þó má ekki veita óafturkræf framlög úr sjóðnum til kirkjubyggingar fyrr en hann er orðinn að upphæð 15 þúsund krónur, og aldrei má veita í óafturkræfum framlögum svo mikið úr honum, að hann komist niður fyrir þá upphæð, 15 þúsund krónur. Úr sjóðnum má aðeins verja fé til safnaðarkirkjunnar og viðhalds hennar og til öflunar kirkjulegra muna og má aldrei breyta markmiði sjóðsins.

6. gr.

Lána má fé úr sjóðnum til safnaðarstarfsemi þegar fé er fyrir hendi, enda sé lánið nægilega tryggt með veði eða ábyrgð, gegn 5% ársvöxtum. Þegar sjóðurinn er orðinn 15 þúsund krónur má verja $\frac{3}{4}$ vaxtateknanna til kirkjubyggingarinnar eða annarrar kirkjulegrar starfsemi, en $\frac{1}{4}$ hluti þeirra leggjast við höfuðstólinn.

7. gr.

Stjórn sjóðsins skipa: Formaður safnaðarstjórnar, formaður bræðrafélags safnaðarins, formaður kvenfélags safnaðarins, fulltrúi unglíngafélags safnaðarins og fyrsti safnaðarráðsmaður. Varastjórn skipa: Varaformaður safnaðarstjórnar og annar safnaðarráðsmaður.

8. gr.

Stjórn sjóðsins skal hafa fjármuni sjóðsins alla til umráða og ráðstöfunar í samræmi við skipulagsskrá þessa og sjá um að minningarspjöld séu gefin út og jafnan fyrir hendi. Reikningar sjóðsins skulu lagðir fram endurskoðaðir til samþykktar á aðalfundi safnaðarins ár hvert og þá skal kjósa tvo endurskoðendur og einn til vara.

9. gr.

Komi einhvern tíma til að söfnuðurinn hætti að starfa skal verja því fé, sem þá kann að vera í sjóðnum til einhverrar líknarstofnunar samkvæmt nánari ákvörðun þáverandi sjóðsstjórnar.

10. gr.

Sjóðsstjórn skal halda gerðabók og færa í hana allar ákvarðanir, sem gerðar eru á fundi hennar viðvikjandi ráðstöfunum á fé sjóðsins, svo og annað sjóðnum viðkomandi, ársreikninga hans undirritaða af formanni sjóðsstjórnar og endurskoðendum og annað slíkt.